

վարչական տույժ նշանակելու մասին

«07» սեպտեմբերի 2020թ.

ք. Երևան

ՀՀ պետական եկամուտների կոմիտեի իրավաբանական վարչության պետ Ա.Մնացականյանս, քննելով ՀՀ Ակնաձոր» ՍՊԸ մաքսային ձևակերպումներ իրականացրած Քրիստինա Մնոյանի վերաբերյալ նյութերը.

Պ Ա Ր Զ Ե Ց Ի՝

ՀՀ ՊԵԿ հետքացթողումային հսկողության վարչության աշխատակիցները, ղեկավարվելով Եվրասիական տնտեսական միության մաքսային օրենսգրքի 332-րդ և «Մաքսային կարգավորման մասին» ՀՀ օրենքի 133-րդ հոդվածներով, իրականացրել են կամերալ մաքսային ստուգում «ԱԿՆԱԶՈՐ» ՍՊԸ ընկերությունում և հայտնաբերել, որ «ԱԿՆԱԶՈՐ» ՍՊԸ-ի կողմից 2017թ. մի շարք ապրանքային հայտարարագրերով հայտարարագրվել է՝ «Բացթողում ներքին սպառման համար» մաքսային ընթացակարգով, ԵԱՏՄ ԱՏԳ ԱԱ 0808 10 800 8 ծածկագրով (մաքսատուրքի դրույքաչափը 0.03 եվրո՝ մեկ կիլոգրամ նետտո զանգվածի համար) «Խնձոր» ապրանքը:

ՀՀ ՊԵԿ մաքսային հսկողության վարչության պետի 11.08.2020թ. «Ապրանքի ոչ ճիշտ դասակարգում հայտնաբերելու դեպքում ապրանքի դասակարգման վերաբերյալ» թիվ ԱԴՈ-20-000083 որոշմամբ հաստատվել է, որ վերը նշված հայտարարագրերով հայտարարագրված ապրանքները ԵԱՏՄ ԱՏԳ ԱԱ 0808 10 800 8 ծածկագրի (մաքսատուրքի դրույքաչափը՝ 01.09.2017-30.11.2017թթ. ժամանակաշրջանի համար 0.03 եվրո՝ մեկ կիլոգրամ նետտո զանգվածի համար) փոխարեն ենթակա է հայտարարագրման՝ ԵԱՏՄ ԱՏԳ ԱԱ 0808 10 800 6 ծածկագրով (մաքսատուրքի դրույքաչափը՝ 01.09.2017-30.11.2017թթ. ժամանակաշրջանի համար 0.06 եվրո՝ մեկ կիլոգրամ նետտո զանգվածի համար):

ՀՀ ՊԵԿ հետքացթողումային հսկողության վարչության կողմից 14.08.2020թ. կազմվել է թիվ 0043-Ա կամերալ մաքսային ստուգման ակտը, որը, կից նյութերով, թիվ Ն/9-4/130419-2020 գրությամբ ուղարկվել է ՀՀ ՊԵԿ իրավաբանական վարչություն:

Փաստի առթիվ ՀՀ Ակնաձոր» ՍՊԸ անունով ներմուծված ապրանքների մաքսային ձևակերպումներ իրականացրած Քրիստինա Մնոյանի նկատմամբ ՀՀ մաքսային օրենսգրքի 203-րդ հոդվածի 1-ին կետի 2-րդ պարբերության հատկանիշներով 25.08.2020թ. կազմվել է մաքսային կանոնների խախտման արձանագրություն:

Նկատի ունենալով, որ 2017 թվականի դրությամբ (2017թ. լրացված հայտարարագրերի մասով) մաքսային իրավահարաբերությունները կարգավորվել են այդ պահին գործող «Մաքսային միության մաքսային օրենսգրքի մասին» 02.01.2015թ. պայմանագրով (այսուհետ՝ Մաքսային միության մաքսային օրենսգիրք):

Մաքսային միության մաքսային օրենսգիրքի 186-րդ հոդվածի 1-ին մասի համաձայն՝ հայտարարատու կարող են լինել՝ մաքսային միության անդամ պետության անձը, որը կնքել է արտաքին տնտեսական գործարք կամ որի անունից (հանձնարարությամբ) կնքվել է այդ գործարքը կամ ունի ապրանքների տիրապետման, օգտագործման և (կամ) տնօրինման իրավունք՝ արտաքին տնտեսական գործարքի բացակայության պարագայում, իսկ 188-րդ հոդվածով սահմանվում են հայտարարատուի պարտականությունները, այն է՝ ապրանքները մաքսային ընթացակարգով ձևակերպելու համար անհրաժեշտ ապրանքների մաքսային

հայտարարագրման և մաքսային այլ գործառնություններ իրականացնելու ժամանակ հայտարարատուն պարտավոր է՝ կատարել ապրանքների մաքսային հայտարարագրում, մաքսային մարմին ներկայացնել այն փաստաթղթերը, որոնց հիման վրա լրացվել է մաքսային հայտարարագիրը: Օրենսգրքի 189-րդ հոդվածը սահմանում է. «Հայտարարատուն, Մաքսային միության անդամ պետությունների օրենսդրությանը համապատասխան, պատասխանատվություն է կրում սույն Օրենսգրքի 188-րդ հոդվածով նախատեսված պարտականությունները չկատարելու, ինչպես նաև մաքսային հայտարարագրում ոչ հավաստի տեղեկություններ հայտարարագրելու համար, այդ թվում՝ ռիսկերի կառավարման համակարգերն օգտագործելու միջոցով մաքսային մարմինների կողմից ապրանքների բացթողման մասին որոշում ընդունելու դեպքում»: Օրենսգրքի 190-րդ հոդվածի 7-րդ կետի համաձայն՝ գրանցման պահից մաքսային հայտարարագիրը դառնում է իրավական նշանակություն ունեցող փաստերի մասին վկայող փաստաթուղթ:

ՀՀ ՊԵԿ հետբացթողումային հսկողության վարչության թիվ Ն/9-4/101025-2020 գրության համաձայն՝ ընկերության կողմից ապրանքային հայտարարագրերով ներմուծված <<խնձոր>> ապրանքը հայտարարագրվել է ԵԱՏՄ ԱՏԳ ԱԱ 0808 10 800 8 ծածկագրով, որը նախատեսված է եղել 2017թ. դեկտեմբերի 1-ից 31-ը ներմուծման դեպքում հայտարարագրելու համար, տվյալ դեպքում ընկերության կողմից <<խնձոր>> ապրանքը ներմուծվել է 2017թ. հուլիսից նոյեմբեր ամիսներին, ուստի ենթակա է եղել հայտարարագրման ԵՏՀ խորհրդի 16.07.2012 թիվ 54 որոշմամբ սահմանված այլ՝ ԵԱՏՄ ԱՏԳ ԱԱ 0808 10 800 6 ծածկագրով:

Ելնելով վերոնշյալից՝ Քրիստինա Մնոյանը պարտավոր էր իրականացնել ընկերության կողմից թիվ 05100010/070917/0019062, թիվ 05100010/231017/0027937 ապրանքային հայտարարագրերով ձեռք բերված ապրանքների փաստացի ԵԱՏՄ ԱՏԳ ԱԱ 0808 10 800 6 ծածկագրով հայտարարագրում:

ՀՀ մաքսային օրենսգրքի 189-րդ հոդվածի 1-ին և 2-րդ մասերի համաձայն՝ մաքսային կանոնների խախտում է համարվում անձի կողմից կատարված անօրինական գործողությունը կամ անգործությունը, որն ուղղված է Հայաստանի Հանրապետության մաքսային օրենսդրությամբ և մաքսային ոլորտին առնչվող Հայաստանի Հանրապետության միջազգային պայմանագրերով Հայաստանի Հանրապետության մաքսային սահմանով տեղափոխվող ապրանքների և տրանսպորտային միջոցների մաքսային հսկողության և մաքսային ձևակերպման սահմանված կարգի դեմ, և որի համար սույն օրենսգրքով նախատեսված է պատասխանատվություն: Ֆիզիկական և պաշտոնատար անձինք մաքսային կանոնները դիտավորյալ կամ անզգուշորեն խախտելու համար ենթակա են պատասխանատվության:

ՀՀ մաքսային օրենսգրքի 203-րդ հոդվածի 1-ին մասի 2-րդ պարբերության համաձայն՝ Հայաստանի Հանրապետության մաքսային սահմանով տեղափոխվող ապրանքները և տրանսպորտային միջոցները չհայտարարագրելը կամ ոչ իրենց անվանմամբ հայտարարագրելը կամ հայտարարագրման ժամանակ ոչ ճշգրիտ տեղեկություններ նշելը, որի արդյունքում առաջանում է մաքսային վճարների պակաս հաշվարկում կամ չհաշվարկում, առաջացնում է տուգանք՝ այդ մաքսային վճարների 50 տոկոսի չափով:

ՀՀ մաքսային օրենսգրքի 219-րդ հոդվածի համաձայն՝ մաքսային կանոնների խախտման վերաբերյալ գործը քննվում է վարչական պատասխանատվության ենթարկվող անձի մասնակցությամբ: Գործը կարող է քննվել նաև տվյալ անձի բացակայության դեպքում, եթե քննության տեղի ու ժամանակի մասին սահմանված կարգով նրան տեղյակ է պահվել, սակայն վերջինիս կողմից որևէ միջնորդություն չի հարուցվել, կամ եթե անձը բացակայում է, և հայտնի չէ

նրա գտնվելու վայրը, կամ եթե նա գտնվում է Հայաստանի Հանրապետության սահմաններից դուրս:

<<Ակնաձոր>> ՍՊԸ մաքսային ձևակերպումներ իրականացրած Քրիստինա Մնոյանը 25.08.2020թ. ծանուցագրով 2020 թվականի սեպտեմբերի 07-ին հրավիրվել է ՀՀ ՊԵԿ իրավաբանական վարչություն իր նկատմամբ սկսված վարչական գործի քննության մասնակցելու համար, միաժամանակ նախազգուշացվելով, որ ՀՀ մաքսային օրենսգրքի 219-րդ հոդվածի համաձայն՝ չներկայանալու դեպքում վարչական գործի քննությունը կիրականացվի առանց իր մասնակցության, սակայն վերջինս չի ներկայացել:

Այսպիսով, նյութերով պարզվել է, ՀՀ-ում գործող <<Ակնաձոր>> ՍՊ ընկերության անվամբ ՀՀ ներմուծված և փաստացի ԵԱՏՄ ԱՏԳ ԱԱ 0808 10 800 6 ծածկագրի տակ դասակարգվող ապրանքները՝ <<Ակնաձոր>> ՍՊ ընկերության մաքսային ձևակերպումներ իրականացրած Քրիստինա Մնոյանը թիվ 05100010/070917/0019062, թիվ 05100010/231017/0027937 ապրանքային հայտարարագրերով հայտարարագրել է ոչ ճիշտ ԵԱՏՄ ԱՏԳ ԱԱ 0808 10 800 8 ծածկագրով, ինչի հետևանքով առաջացել են 57451 ՀՀ դրամի չափով պակաս հաշվարկված մաքսային վճարներ, այսինքն՝ Քրիստինա Մնոյանը թույլ է տվել ՀՀ մաքսային օրենսգրքի 203-րդ հոդվածի 1-ին մասի 2-րդ պարբերությամբ նախատեսված մաքսային կանոնների խախտում, ինչը հիմնավորվում է 25.08.2020թ.-ին կազմված մաքսային կանոնների խախտման արձանագրությամբ, 14.08.2020թ. ՀՀ ՊԵԿ հետաքննողական ծառայության վարչության կողմից կայացված կամերալ մաքսային ստուգման թիվ 0053-Ա ակտով, 14.08.2020թ. թիվ 0043-Ո-1 որոշմամբ, Քրիստինա Մնոյանի բացատրությամբ, թիվ 05100010/070917/0019062, թիվ 05100010/231017/0027937 ապրանքային հայտարարագրերով, ՀՀ ՊԵԿ հետաքննողական ծառայության վարչության թիվ Ն/9-4/101025-2020 գրությամբ:

Վերոգրյալի հիման վրա և ղեկավարվելով ՀՀ մաքսային օրենսգրքի 203-րդ հոդվածի 1-ին մասի 2-րդ պարբերությամբ, 206-րդ և 221-րդ հոդվածներով,


Ո Ր Ո Շ Ե Ց Ի՝

1. Քրիստինա Մնոյանին (ծնված՝ 25.05.1996., ազգությամբ հայ, ՀՀ քաղաքացի, բնակվող՝ ք.Երևան, Սեբաստիա փ 10 28, անձնագիր՝ AM0913475) ճանաչել զանցառու ՀՀ մաքսային օրենսգրքի 203-րդ հոդվածի 1-ին մասի 2-րդ պարբերությամբ և նրան տուգանել պակաս հաշվարկված մաքսային վճարների 50 տոկոսի չափով՝ 28725 ՀՀ դրամ:

/վճարումը 900005024055 հաշվեհամարին/:

2. Որոշման մասին հայտնել Քրիստինա Մնոյանին՝ պարզաբանելով, որ ՀՀ մաքսային օրենսգրքի 221-րդ հոդվածի համաձայն՝ որոշումն ուժի մեջ է մտնում կայացման պահից և Վարչարարության հիմունքների և վարչական վարույթի մասին ՀՀ օրենքի 71 հոդվածի համաձայն՝ 2 ամսվա ընթացքում կարող է բողոքարկվել վերադաս մաքսային մարմին կամ ՀՀ վարչական դատավարության օրենսգրքի 72-րդ հոդվածի 1-ին մասին 1-ին կետի համաձայն՝ 2 ամսվա ընթացքում ՀՀ վարչական դատարան:

ԻՐԱՎԱԲԱՆԱԿԱՆ
ՎԱՐՉՈՒԹՅԱՆ ՊԵՏ



Ա. ՄՆԱՑԱԿԱՆՅԱՆ